

ARITZATXUKO KANTINAREN EMAKIDA ESLEITZEKO OINARRIAK

1.- XEDEA. Oinarrion helburua da Aritzatxuko kantinea ustiatzeko emakida esleitzea.

2.- PARTE HARTZEKO GAITASUNA. 18 urtetik gorako pertsona euskaldun danek parte hartu ahal izango dabe ustiapen horretan, jarduteko ahalmen osoa badaukie, eta ez badaukie Sektore Publikoaren Kontratuen 9/2017 Legearen 71. artikulua ezarritako kontratatzeko debekurik. Era berean, beharrezkoa da administrazio honeguz zigor-espediterik edegita ez eukitea, ezta zorrik izatea udalagaz

3.- EMAKIDAREN IRAUPENA. Emakida Ekainaren 1etik irailaren 30era artekoa izango da, biak barne. Epe hori luzaezina izango da eta hori amaitu ondoren, gunea lehengo egoeran itxi beharko da, garbi eta guneari kalterik sortu bari., Horretarako udalak jagokon ikuskapena egingo daua. Ezelako kalterik sortu balitz, gastuak esleipenaren kontura izango dira.

Epe horretan interes publikoagaitik udala behartuta egongo balitz emakida bertan behera ixteko, esleipedunak jagokon konpentsazio ekonomikoa hartzeko eskubidea izango dau.


4.- ESLEIPENERAKO SISTEMEA. Esleipenerako sistema ZOKKETA izango da.

Jendeaurreko zozketa 2019ko maiatzaren 28an, goizeko 12:00etan, Bermeoko Gizarte eta Kultura etxeko Hitzaldi aretoan egingo da.

5.- ENKANTE MOETEA ETA BERMEA. Ez da enkante moetarik ezarten, izan be, emondako ustiapenaren gizarte interesagaitik eta emon beharreko zerbitzuak eta jaso leikezan kontraprestazioak kontutan eukita, erabilpen ekonomikoa garratzibakoa dalako.

Emakidearen esleipendunak, bere gain hartutako beharrak beteko dauzala bermatzeko, behin betiko bermea jarri beharko dau. Berme horren zenbatekoa **200** eurokoa izango da. Berme-epea amaitzen danean, esleipendunari bermea itzuliko jako, osorik edo, bidezkoa bada, zati batean, baldin eta kontratuko betebeharrak guztiak beterik badagoz.

6.- PROPOSAMENAK. Kantinearen esleipenean parte hartzeko proposamenak udalaren Erregistro Orokorrean aurkeztu beharko dira (Berh@z bulegoa, Ertzilla kalea 6-8),



- Proposamenak aurkezteko epe amaiera: 2019ko maiatzaren 25, zapatua, goizeko 12:00ak arte.
- Ordutegia: Astelehenetik barikura, 08:30-14:30. Martitzenetan eta eguenetan, 16:30.19:00. Larunbatetan, 10:00-13:00. * Udan arratsaldeetan itxita egongo da bulegoa.

Proposamenak gutun-azal bakar baten aurkeztuko dira eta honako dokumentazioa sartu beharko da:

- Eskaera (I eranskina)
- Eskaintzaileen (edo ordezkariaren) NANA edo baliokidea. (ustiapena talde batek egingo balu, talde horretako partaide guztien dokumentazioa aurkeztu beharko da) (*)
- Ustiapena egiteko eukiko dauzan langileak.
- Kontratazeko debekurik ez eukitzea, eta udalean zigor-espeditierik edegita ez eukitea, eta zorrik ez izatearen zinpeko aitortpena. (II eranskina)

(*) Eskatzaileek ezin izango dute eskari bat baino gehiago egin, hau da, eskaria banaka edo talde baten bidez egiten bada, ezin izango da beste talde baten partaidea izan.

Esleipena egin baino lehen, kontratazio mahaiak proposatutako lizitatuak behin betiko bermea jarri izanaren ziurtagiria eta erantzukizun zibilaren polizaren kopia aurkeztu beharko ditu. Hori egin ezean, esleipenari uko egiten diola ulertuko da.

7.- EMAKIDADUNAREN ESKUBIDEAK ETA BETEBEHARRAK. Emakidadunak honeek eskubideak eta betebeharrak eukiko dauz:

a) Kantinea jentearantzako zabalik egongo da egunero, 10:00etatik 20:00etara, **eta ezelan be ezingo da zabalik egon ordu horretatik aurrera.**

b) Kantinea, gehienez be, hilean 2 egunetan egon ahal da itxita, horretarako aurretiaz udalak baimena emon badau eta erabiltzaileei abisua emon bajake, gitxienez, 2 egun arinago. Egun horrek ez dira metagarriak izango. **Kantinea itxita dagoan egunetan be komun publikoak garbitu beharko dira.**

c) Esleipenaren epean, esleipendunak komun publikoak egunean gitxienez 2 aldiz garbitu beharko dauz, goizez eta arratsaldez, baita kantinea zein instalazinoen inguruak be. Edozein kasutan, jardunaldi osoan zehar, komunak baldintza sanitario egokian mantenu beharko dauz.



d) Ustiapena pertsonalki egin beharko da, dokumentazioan zehaztutako giza baliabideen bidez, eta ezelan be ezingo da ustiapena errentan emon edo beste bati laga.

e) Instalazioak eta emakidaren guneak egoera onean mantendu beharko ditu esleipendunak. Instalazioak, horreen inguruak eta hondartzea garbitzetik sortutako sastarrak dagozkien edukiontzietan utzi beharko dira.

Esleipendunak jarduerak sortutako sastar guztiak batu, jagokon bereizketa egin eta adierazoten jakon kontenedoretan itzi beharko dauz.

f) Esleipendunak berehala jakinarazo behar dauz kantinan zein ganerako instalazioetan sortutako irregulartasunak, baita beraren borondate kanpokoak badira be.

Esleipendunari egotzi lekiozan kalteak badagoz, esleipendunak berak konpondu beharko dauz edo udalak konponduko dauz, ordezeko exekuzino bidez, esleipendunaren pentzura.

g) Bermeoko Udalak Bizkaiko Foru Aldundiaren Kudeaketarako Sistema Integratuan dago Aritzatxu hondartzea kudeatzeko, beraz, sistema horrek ezarritakoa bete beharko dau esleipendunak. Horretarako, eskatzen jakozan agiriak finkatutako epeetan bete beharko dauz (fitxak, etab.) eta udalaren laguntza eta argibideak eskura eukiko dauz.

h) Emakidunak, epe barruan, erabileraren xede diren ondasunak administrazioaren esku, libre eta hutsik izteko betebeharra dauka eta onartu egiten dau administrazioak daukan ahalmena botatzea erabagi eta berak exekutatzeko.

i) Kontzesioa hirugarren kalte barik eta jabetzaren eskubideen salbu ulertuko da.

j) Emakidadunak legeak eskatzen dauzan bestelako baldintza eta lege betebeharrak betetearen ardura izango dau eta, zentzu horretan eduki leikezan ez betetzeak edo hutsuneak berari bakarrik eragotziko jakoz, Udalak ezelako erantzukizunik eduki barik.

k) EUSKEREAREN ERABILEREA:

1.Esleipendunak edo postuan egongo dan edozein langilek euskeraz jakin beharko dau, gitxienez ahoz; eta nahikoa gaitasun izan beharko dau zerbitzua euskeraz emoteko.



2. Bezeroakaz lehenengo berbea euskeraz izango da beti, bezeroen hizkuntza eskubideen kalte barik.

3. Ezinbestekoa izango da postuan ezarriko diran errotuluak, kartelak... euskeraz izatea. Euskeraz eta erderaz ipini behar izatekotan, euskerazko testuari lehentasuna emongo jake, hau da, hizkien tamaina bi aldiz handiagoa izango da euskeraz.

5. Aurreko puntuan zehaztutako guztiak kalidadezko euskeraz ipiniko dira. Horretarako, esleipendunak udaleko Euskera Sailaren zerbitzua erabili ahal izango dau.

6. Musikaririk ipintekotan, musika lasai izango da eta musika euskaldunak gitxienez %50eko kuotea bete beharko dau.

8. Udalak euskerea baino ez dau erabiliko esleipendunagazko hartu-emonetan, idatzizko zein ahozkoetan, eta ez dau inolako itzulpenik eskainiko.

8.- ESLEIPENDUNAREN ERANTZUNKIZUNA BESTE BATZUEI ERAGINDAKO KALTEENGAITIK. Emakida indarrean dagoen bitartean, esleipendunaren ardura da edozein pertsona, jabetza edo zerbitzu publiko edo pribaturi egindako kalteak eta galerak bere gain hartzea, baldin eta bere agindupean dauden langileen egitez, ez-egitez nahiz zabarkeriaz, edo zerbitzua behar bezala ez antolatu, babestu edo bestelakoengatik gertatzen badira. Gauzak horrela, esleipendunaren ardura da emakidaren eragiketen ondorioz sor litezkeen kalteak eta galerak bere gain hartzea, Administrazio Publikoen Ondarea arautzen dauen 33/2003 Legearen 92.7.f). artikuluan xedatutakoarekin bat etorritz.

Kasu honetan, esleipendunak bere jardueratik sortu leitezkeen kalteengatik erantzukizun zibilaren aseguruia egin beharko du. Poliza horretan Udal instalazio jabea dan heinean, Udalari leporatu ahal jakozan erantzukizunak estalita egon beharko dira.

9.- ARAU-HAUSTEAK ETA ZIGORRAK.

a) Arau-hauste arinak izango dira:

- Instalazioak garbitzeko betebeharra lehenengoz ez betetea.
- Udalak agindutako edo oinarriotan ezarritako arauetako edozein lehenengoz urratzea.

b) Arau-hauste larriak izango dira:

Zerbitzu Saila. Intxausti 2 - 48370 Bermeo - Tel.: 94 617 9129 Faxa: 94 688 1102
zerbitzuak@bermeo.eus / www.bermeo.eus IFK: P4802100J



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E30002367300N2A1C1G7R8U3

Sinadurea eta data

IÑIGO GONZALEZ ARIAS(P4802100J-Ayuntamiento de Bermeo - Bermeoko Udala)-ZERBITZU TEKNIKARIA -
15/05/2019
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 15/05/2019
10:58:32

DOCUMENTO: 20190145011

Fecha: 15/05/2019

Erregistro unidatea:
Erregistro nagusia



- Arau-hauste arin 2 egitea.
- Emakidagaia behar dan legez ez erabiltea edo udalaren baimen barik obrak egitea bertan.
- Udal zerbitzuetako edozeinen ikuskapen bat ez onartzea.

c) Arau-hauste oso larriak izango dira:

- Arau-hauste larri 2 egitea.
- 7.b. puntuan ezarritako mugak eta obligazioak ez betetea.

Arau-hauste arinakaitik 50 eurorainoko isunak jarri ahal izango dira. Arau-hauste larriakaitik 50,05 eurotik 250 eurora arteko isuna ipiniko da, eta oso larriakaitik, 250 euroko isuna eta emakidea bertan behera ixtea.

Arau-hauste arinakaitik eta larriakaitik zigorrak ipinteko Alkatetzaren akordioa beharko da, interesdunari entzunaldia emon eta gero. Arau-hauste oso larriak Udalbatzak zigortuko dauz, jagokozan tramiteak bete eta gero.

10.- LEGEDI APLIKAGARRIA. Emakida honeri honako legedia aplikatuko jako:


1. Administrazio Publikoen Ondarea arautzen dauen 33/2003 Legea.
2. Toki Entitateen Ondasunen Erregelamendua onartzen dauen 1372/1986 ED.
3. Sektore Publikoen Kontratuak arautzen dauzan 9/2017 Legea, esleipenari jagokonez.
4. Zuzenbide administratiboko arau orokorrak.
5. Zuzenbide pribatuko arau orokorrak.

Hori horrela, baldintza agiri honetan aurreikusten ez den guztirako, edozein zalantza argitu eta emakidearen baldintzak interpretatzeko, aitatutako legediak aurreikusitakoa jarraituko da zehatz.

11.- ERABAGIEN IZAERA JURIDIKOA ETA ADMINISTRAZINO BIDEARI AMAIERA EMOTEA. Emakida honen ondorioz hartu leikezan erabagien izaera administratibo da eta bide administratiboari amaiera emongo deutsoe. Hori horrela, zuzenean aplikagarriak izango dira, Udalaren aurrean edota Administrazioarekiko Auzibidean errekurritzeko eskubidearen kalte barik.

Data eta sinadura orri oinean

Zerbitzu Saila. Intxausti 2 - 48370 Bermeo - Tel.: 94 617 9129 Faxa: 94 688 1102
zerbitzuak@bermeo.eus / www.bermeo.eus IFK: P4802100J



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E30002367300N2A1C1G7R8U3

Sinadurea eta data

IÑIGO GONZALEZ ARIAS(P4802100J-Ayuntamiento de Bermeo - Bermeoko Udala)-ZERBITZU TEKNIKARIA -
15/05/2019
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 15/05/2019
10:58:32

DOCUMENTO: 20190145011

Fecha: 15/05/2019

Erregistro unidatea:
Erregistro nagusia





I. ERANSKINA
ESKAERA

.....Jaun/Andreak,
.....zenbakiduneko NANarekin,
helbidea daukana,


ADIERAZTEN DU

2019ko uda denboraldian Aritzatxu hondartzeko kantina ustiaketa baldintzak ezagutzen dituela eta zozketan parte hartu nahi duela.

Bermeon, 2019korenan.

Sinatuta:
NAN:

Zerbitzu Saila. Intxausti 2 - 48370 Bermeo - Tel.: 94 617 9129 Faxa: 94 688 1102
zerbitzuak@bermeo.eus / www.bermeo.eus IFK: P4802100J

 STEMMA PRODERI IN PRIMIS BERMEI	Agiri hau benetakoa dala udalaren egoitza elektronikoan egiaztatu ahal dozu. Kodea: 07E30002367300N2A1C1G7R8U3	Sinadurea eta data IÑIGO GONZALEZ ARIAS(P4802100J-Ayuntamiento de Bermeo - Bermeoko Udala)-ZERBITZU TEKNIKARIA - 15/05/2019 CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 15/05/2019 10:58:32	DOCUMENTO: 20190145011 Datea: 15/05/2019 Erregistro unidadea: Erregistro nagusia

II. ERANSKINA
Zinpeko Aitorpenaren Eredua

.....Jaun/Andreak,
.....zenbakiduneko NANarekin,
helbidea daukana,


KONTRATAZIO MAHAIBURUAREN AURREAN AITORTZEN DU

Kontratatzeko debekurik ez daukala,
Udalean zigor-espedienterik edegita ez daukala eta,
Udalarekin zorrik ez daukala.
Jarduera bideratzeko gaitasuna daukala

Bermeon, 2019korenan.

Sinatuta:
NAN:

Zerbitzu Saila. Intxausti 2 - 48370 Bermeo - Tel.: 94 617 9129 Faxa: 94 688 1102
zerbitzuak@bermeo.eus / www.bermeo.eus IFK: P4802100J

 <p>STEMMA PRODERI IN PRIMIS BERMEI</p>	Agiri hau benetakoa dala udalaren egoitza elektronikoan egiaztatu ahal dozu. Kodea: 07E30002367300N2A1C1G7R8U3	Sinadurea eta data	DOCUMENTO: 20190145011
		IÑIGO GONZALEZ ARIAS(P4802100J-Ayuntamiento de Bermeo - Bermeoko Udala)-ZERBITZU TEKNIKARIA - 15/05/2019 CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 15/05/2019 10:58:32	Fecha: 15/05/2019 Erregistro unidatea: Erregistro nagusia

